

Minister Paul Croes:

Union bao di 17 organisacion contra abuso di mucha



"Tin bes ta difcil pa haña 2 organisacion of departamento traha hunto, kiermen na momento cu bo logra pone 17 fundacion y departamentonan traha na bienestar di nos yiunan ta un logro hopi importante"

tabata palabranan di Minister Paul Croes na inicio di #StopAwo 2015.

Minister Paul Croes encarga cu e maneho social y hubentud, kende ta encarga cu derechonan di mucha, ta mira e cooperacion den forma di un campaña di consientisacion y informacion pa mayornan riba abuso di mucha hopi positivo.

E Minister tabatin palabra di elogio pa tur 17 organisacion cu lo traha hunto pa mas guia y educacion di mayor y educadornan na momento cu abuso di mucha ta sosode.

"Na momento cu bo tin tur experto cu nanishi den e mesun direccion nos lo sigui bringa contra tur clase di abuso di muchanan."

Mi kier gradici y felicita Bureau Sostenemi y tambe Fundacion Respetami pa a haci tur esfuerso pa uni e grupo aki den un plataforma p'asina duna guia, informacion, educacion n'esnan cu tur dia ta traha cu nos muchanan"

Minister Paul Croes a bisa.

17 Organisacion hunto a prepara un poster

cu lo wordo reparti rond di Aruba, p'asina tur persona cu wordo confronta cu sea abuso of negligencia di mucha por sa unda pa cana y ki pasonan pa tuma.

Banda di esaki lo involvi varios scol preparatorio y muchanan p'asina sera conoci cu nan derechonan.

Un esfuerso cu sigur ta di aplaudi, unda cu departamento y fundacionnan ta uni den un causa importante.

#StopAwo ta un iniciativa cu a inicia bao di Minister Paul Croes na 2014, cu a haya hopi atencion y cu a pone lus riba e topico importante aki.



AWEMainta
www.facebook.com/awemainta Online